



Ref gendo: DDCP/EYCB/RYC/2015/05

Budapeshta, 14 Juli 2015



TERNE ROMENGI KONFERENCIJA 2015

E Europakere Konsiloski konferencija vash diskusija pala e terne Romengere butja
thaj avutne orientacije pe politike vash e terne Romengiri participacija thaj
inkluzija

19-22 Oktobro 2015, Europako Ternengo Centro Budapesta

Prezentacija thaj Akharibe vash e participantura

Buteder vash e konferencija

E Europako Konsilo si mashkargavernongiri organizacija kaski misija si te kerel promocija pe manushikane hakaja, demokracija thaj zakonengo legaripe ande Europa. Europako Konsilo khelel jekh importantno/mahat/vazhno/ rola pe Romengi situacija ande Europa, thaj specijalno dosharel e diskriminacija mamuj e Roma thaj olengiri socijalno thaj ekonomikani marginalizacija, thaj arakhel droma vash e Romengiri participacija pe Europako nivelo. Pe kadala dzivesa e akanutni strategija ande Europako Konsilo vash e Romane butja, (bazirimi upral e “Strasbourgoski Deklaracija”) kerel fokuso pe kadala prioritura:

- Na-diskriminacija, themutnipe, dzuvlengere thaj chavorengere hakaja.
- Socijalno inkluzija, leindoj kate e edukacija, e kheren thaj sastipaski sama/grizha/.
- Buhljaripe thaj lacheder avipe dzi pe justicija/chachipe/.

Vash e terne Roma, e Europako Konsilo kerelas buchi e terne Romencar kotar e 1995 bersh thaj kerdas, ki kooperacija peskere gavernoskere thaj na-gavernoskere partneroncar Terne Romengo Akcijako Plano. Ko 2011 bersh pali organizacaja katar o Europako Konsilo, sasa organizirimi i avguni Terne Romengi Konferencija, pe savi e terne Roma, ternikane liderura, membrura katar e internacionalno terne Romengere networkondar thaj javera internacionalno institucije, kerdine e prioritura pe Terne Romengo Akcijako Plano. E Terne Romengo Akcijako Plano¹ si e Europakere Konsilosko deibe palpale/otvjeto/odgovoro/ vash sa e pharipena so dikhen e terne Roma ande Europa, specijalno pe relacija vash olengo zuraripe, participacija ande proceso kana keren pes e decizije thaj ande strukture pe Europako nivelo, sar vi buteder muja so sikavel i diskriminacija. Ande akcijako plano isi aktivitetija katar e Ternengoro Departamento thaj katar e javera sektorura ande Europako Konsilo, sar vi aktivitetija katar e javera partnerura – mashkargavernoskere thaj na-gavernoskere – save keren kooperacija e Europakere Konsilosar. E akcijako plano dela prioriteto pe manushikane hakaja thaj mashkarkulturako dijalogo sar dejbe palpale pe diskriminacija thaj anticiganizmo, khetane e zuralipasar thaj kapacitetongoro vazdipasar vash e terne Romengere organizacije thaj mishkipena. Majupral si o plano so isi ole “dujvar-ucheder resarina”: promoviribe pe inkluzija e terne manushengere dukhengo ande politike thaj programura vash e Roma thaj promoviribe e terne Romengere problemongo ande ternikane politike thaj programura. Katar e 2011 bersh, e Terne Romengo Akcijako Plano lijas but buhle aktivitetura, trening kursija, buhleder ekspertize vash e terne Romengiri generalno situacija, edukacijakere lila, studijakere sesije ki kooperacija e internacionalno ternikane organizacijencar, studijakere vizite pe nacinalno nivelo, suportu thaj fundiribe vash e terne Romengere projektura, thaj aktivitetija vash dejbe politikano azhutipe. E Terne Romengere Akcijako Planesko implementiribe si legardino katar e Ternikano

¹ Buteder vash e Terne Romengo Akcijako Plano: www.coe.int/youth/roma

Departmento ki pashutni kooperacija e Romene ternengere organizacijencar thaj e javera Europakere partneroncar pe Romane thaj ternenengere politike.

Ko 2015 bersh, e Europako Konsilo ka legarel thaj kerel evaluacija pe Terne Romengo Akcijako Plano thaj ka organizuil e dujtone Terne Romengere Konferencija, mangipasar thaj cilosar te kerel akumulacija sar vi te sikavel so sa siklilem kotar e nakhle bershengiri implementacija pe Terne Romengere Akcijako Plano. E Terne Romengi Konferencija ka ovel vi jekh shajipe te dikhel pes so ka kerel pes dureder pe avutni vrama e Terne Romengere Akcijakere Planosar thaj savi orientacija te lel pe bersha so si angli amende.

So khamas thaj save cilura isi e konferencija

E Terne Romengere Konferencijakere cilura si te anen khetane e Romengere ternengere organizacijen, terne Romane reprezentanton thaj relevantno terne Romengere partneron, te shaj te dikhen pes dziakanutne rezultatura thaj planoskeri relevantnost, sar vi te kerel pes diskusija vash avutne bershengiri orientacija pe kodo Terne Romengoro Akcijako Plano.

E avgune konferencijakere cilura/resarina/:

- Te diskutirinen pes, promovirinen thaj te sichol pes kotar e Terne Romengere Akcijakere Planoske experience thaj praktike
- Te promovirinel thaj te del shajipe e terne Romenge te len participacija pe procesija kote so kerel pes i politika pe sa e nivelura
- Te vazdel pes e terne Romengiri rola ano maripe mamuj o anticiganizmo
- Te bajrarel e inkluzija katar e ternengere butja andre ande politike thaj programura save si vash e Romengere problemura, sar vi te promovirinel inkluzija katar e terne Romengere butja andre e ternikane politike thaj programura so kerena pes andre thaj kotar e Europako Konsilo thaj sa e javera relevantno partnerura
- Pe kerel pes diskusi pali avutni forma a Terne Romengo Akcijako Plano ki koordinacija e terne manushencar thaj ki korelacija e Europake Konsiloskere politike thaj programura, khetane e relevantno romane thaj javera partnerura
- Te analizirinel pes o akanutno than so lena e terne Romengere butja, ki relacija e nacionalno inkluzijakere politikencar, sar so si e Nacionalno Romane Integracijakere Strategije thaj e javera relevantno politike.

So adzikeras pali kodi konferencija

I Konferencija, anglal sa, si jekh siklovipaskiri thaj dikhibaskiri experienca mashkar e terne Roma. Dureder, i konferencija trubuj te rezultirinel vi ande:

- Lacheder haljovipe vash e akanutni situacija pe savi si e terne Roma ande Europa

- Te oven lacheder dikhline e aktivitetura thaj e poitikakere zora so kerena pes vash e terne Roma
- Barader sama vash e terne Romengere butja (politike, organizacije, agenda thaj javer) thaj propozalura vash kodo sar te adresirinen pes e terne Romengere butja pe nacionalno, regionalno thaj lokalno nivelo
- Revizirime orientacije vash e Terne Romengo Akcijako Plano pe avutne bersha
- Konkretno zuraleder porpozalura save ka oven adresirime dzi pe institucije thaj platforme so dena azhutipe e terne Romen, sar so si: Terne Romengo Akcijako Plano, CAHROM, Nacionalno Strategije vash Romengi Integracija, Europako Romano Instituto thaj javera.
- Buteder kontaktija, dikhiba thaj koordinacija mashkar e RYAP partnerura
- Deklaracija katar e konferencijakere participantura

Formato thaj metodologija

E Terne Romengiri Konferencija ka kerel pes trin thaj dopash divesa thaj ka anel khetane pashe 80 participantura.

I konferencija si dizajnirimi te anel khetane bute rigen thaj te kerel pes jekh na-formalno trujalipe vash sikljovibe, kote so e terne manusha khetane e partneroncar thaj e javera reprezentantoncar ka shaj mashkar pende te ulaven pengere experience kotar e buchi so keren e Romencar thaj terne Romencar, sar vi upral gasave experience thaj rezultatura te dzal pes dureder. Pe konferencija ka oven akhardine vi relevantno internacionalno organizacije thaj institucije save so keren buchi thaj azhutisaren e Romane butjen.

Harno programo

18 Oktobro 2015

E participatongo avipe

19 Oktobro 2015

Phutaripe thaj introdukcije vash e konferencija

Ulavipe eksperiencongo thaj realitetongo katar e buchi e terne Romencar

20 Oktobro 2015

Terne Romengo Akcijako Plano ... dikhline e aktivistetongere jakhencar, kotar e ternengere organizacije, partenrura thaj evaluatora

Te dodzanen pes e Terne Europakere Romengere aktivitetura thaj projektura

21 Oktobro 2015

Prezentiribe so siklilem dzi akak kotar e implementacija e programongi vash e terne Roma

Strategikano networkiribe/drakhinipe/ thaj vazdipe partneririba

Planiribe pe Terne Romengo Akcijako Planeskoro avutnipe – prioritetura, partnerura, koordiniribe thaj javer

22 Oktobro 2015

Save akcija ka keren pes thaj savo avutnipe si e Terne Romengere Akcijakere Plano

Evalucija thaj konferencijako phandavibe

E participatongoro profili

I konferencija ka anel khetane e reprezentanton thaj aktivne lideron katar e Romane ternengere organizacije, terne Romen save si aktivno ande javera organizacije thaj projektura, reprezentanton katar e javera Europakere thaj nacionalno ternikane organizacije thaj drakhina/networkia/, vi e manusha save keren e politike thaj reprezentantura katar e internacionalno organizacije thaj fondacije save so ka len aktivno than ande konferencija.

Sa e participantura musaj:

- Te oven mashkar 18 thaj 35 bersha (ka oven kerdine ekceprije upral e aplikacijakere formako kvaliteto)
- Te oven motivirime thaj te den pengi kontribucija pe konferencija thaj so ka ikljol pala e konferencija
- Te oven aktivna thaj te ovel olen varesavi eksperienca ande aktivitetura terne Romencar, komunitetoncar thaj organizacijencar
- Te shaj te keren buchi pe Anglikani thaj Romani chib
- Te oven ande konferencija kadala trin thaj dopash divesa

O timo so kerela preparacija vash kodi konferencija ka selektirinel e participanton upral kodola kriterie:

- Te oven pashe dzi pe profilo so rodela pes kotar e participantura
- Te oven astardine so shaj buteder Romane komunitetura kotar e 47 thema membrura ande Europako Konsilo
- Balansirimi participacija mashkar e terne romane dzuvlja thaj terne romane mursha
- Nivelu kotar haljovipe thaj eksperienca ande terne Romengere butja thaj aktivitetura.

Apliciribaski procedura thaj agoruno dive vash apliciribe

Sa e interesirime kandidatura musaj te aplicirinen online, thaj te hramonen e aplikacija trujal kodo link-o: <http://youthapplications.coe.int/Application-forms>

E aplikacije musaj te oven bichaldine dzi pe **20 Augusto 2015, dzi pe dopash rachi pala Centralno Europaki Vrama.**

Praktikane thaj finansijkere kondicije

Pe savi vrama

I konferencija ka astarel pe 09:00 chaso ano 19 Oktobro 2015 thaj ka agorel pes 22 Oktobro 2015 ko 13.00 chaso. E selektirime participantura trubuj te keren pengere biletura/droma te shaj te arisen ano Europako Ternengo Centro Budapest pe 18 Oktobro thaj te dzan peske palpale pe 22 Oktobro pali mizmeri.

Konferencijako than thaj sovimasko than

I konferencija ka lel than ande Europako Ternengo Centro Budapest. O sovibe thaj o habe ka oven pokime kotar e Europako Konsilo.

Love vash o droma

E love vash e droma dzi ki Budapesta thaj kotar Budapesta palpale ka oven tumenge dende palpale sar so phenela e Europako Konsiloskil procedura.

Bucharne chiba

E chiba pe save ka kerel pes buchi ande konferencija si Anglikani thaj Romani chib. Translacija pe vavera chiba shaj te kerel pes bazirimo ande e kandidatonegere trubijimata.

Visas

E love vash e viza ka ovel tumenge irame palpale kotar Europako Konsilo. O Sekretarijato katar Europako Konsilo ka bichavel tumenge akharimasko lil savo ka zhutil tumen te len viza thaj te shaj te aven ande konferencija.

Buteder informacije

Vash buteder informacije vash e Konferencija shaj te kontaktirinen e Zsuzsanna Molnar,

Zsuzsanna.molnar@coe.int